

REPUBULIKA Y'U RWANDA



Ibiro bya Minisitiri w'Intebe

ITANGAZO RY'IBYEMEZO BY'INAMA Y'ABAMINISITIRI YO KU WA 10/09/2020

Ku wa Kane, tariki ya 10 Nzeri 2020, Inama y'Abaminisitiri yateraniye muri Village Urugwiro iyobowe na Nyakubahwa Perezida wa Repubulika y'u Rwanda, Paul KAGAME.

1. Inama y'Abaminisitiri yemeje imyanzuro y'Inama y'Abaminisitiri yateranye ku wa 26/08/2020.
2. Inama y'Abaminisitiri yongeye gusuzuma ingamba zafashwe zo gukumira ikwirakwira ry'Icyorezo cya COVID-19, **yemeza ko ingamba zisanzweho zemejwe n'Inama y'Abaminisitiri yateranye ku wa 26/08/2020 zizakomeza gukurikizwa, ariko hakiyongeraho ingamba nshya n'izahinduwe ku buryo bukurikira, na zo zigomba guhita zishyirwa mu bikorwa.**
 - a) **Ingendo zirabujijwe guhera saa tatu z'ijoro (9:00 pm) kugeza saa kumi n'imwe za mu gitondo (5:00 am).**
 - b) Ingendo zo kujya no kuva mu Karere ka Rusizi mu modoka bwite (private transport) ziremewe, ariko hubahirizwa amabwiriza y'Inzego z'Ubuzima;
 - c) Amakoraniro atandukanye yabihereye uburenganzira, harimo inama n'ubukwe, bizakomeza hubahirizwa amabwiriza y'Inzego z'Ubuzima harimo kwipimisha COVID-19 (abayitabiriye bakiyishyurira ikiguzi cy'iyi serivisi). Umubare wabo ntugomba kurenga 30% by'ubushobozi bwo kwakira abantu bw'aho bateranira. Uruhushya ruzajya rutangwa n'Inzego z'Ibanze ndetse n'Urwego rushinzwe Iterambere mu Rwanda (RDB) habanje gusuzumwa ko amabwiriza y'Inzego z'Ubuzima yubahirijwe.
 - d) Abantu bose bitabira ibikorwa by'ubukerarugendo muri Pariki z'Igihugu bagomba kwipimisha COVID-19 kandi bakiyishyurira ikiguzi cy'iyi serivisi.

Izi ngamba zizongera kuvugururwa nyuma y'iminsi 15 hashingiwe ku isesengura ry'Inzego z'Ubuzima.

Abaturage barongera kwibutswa ko ari ngombwa kubahiriza amabwiriza yo kwirinda COVID-19 harimo: gusiga intera hagati y'umuntu n'undi, kwambara agapfukamunwa no gukaraba intoki. Abatazabyubahiriza bazafatirwa ibihano.

3. Inama y'Abaminisitiri yemeje umushinga w'itegeko rigenga Urwego rw'Ubwiteganyirize mu Rwanda (RSSB).
4. Inama y'Abaminisitiri yemeje politiki yo kwegurira abikorera bimwe mu bigo, imitungo n'imigabane bya Leta (privatization policy).
5. Inama y'Abaminisitiri yagejejweho ibi bikurikira:
 - Uko isuzuma ku ishyirwa mu bikorwa ry'Imihigo y'umwaka wa 2019/2020 ryakozwe n'itegurwa ry'Imihigo y'umwaka wa 2020/2021;
 - Imyiteguro y'Igihembwe cy'ihinga 2021 A;
 - Kwakira amarushanwa mpuzamahanga mu Rwanda no kwitabira azabera mu bindi bihugu.
6. Inama y'Abaminisitiri yashyize mu myanya Abayobozi bakurikira:


Agaciro Development Fund

NYATANYI Gilbert: Chief Executive Officer.

Urwego rw'Ubwiteganyirize mu Rwanda (RSSB) Abagize Inama y'Ubutegets

- Prof WHALES Christopher: Perezida;
- MUKESHIMANA Marcel: Visi Perezida;
- Prof FISSEHA Senait: Ugize Inama y'Ubutegets;
- MARARA SHYAKA Patrick: Ugize Inama y'Ubutegets;
- USENGE Kephers: Ugize Inama y'Ubutegets;
- BWAKIRA Liliane: Ugize Inama y'Ubutegets;
- Dr AYINGENEYE Violette: Ugize Inama y'Ubutegets;
- GATSIMBANYI Yves: Ugize Inama y'Ubutegets;
- NDAYISHIMIYE Alain: Ugize Inama y'Ubutegets.

Bikorewe i Kigali, ku wa 10 Nzeri 2020.



Dr. Edouard Ngirente
Minisitiri w'Intebe

